



DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS

manè discutienda, in Scholis Medicorum, die Jovis

29 Novembris M. DCC. XXXI.

M. CLAUDIO DUCERF, Rei Herbariæ
Professore, Doctore Medico, Præside. *autore.*

An Fæminarum morbis rara Saphæna scellio?

I.



EDICINA est scientia quæ quatenus divinitus
data solis innotescit, qui circa eandem docen-
dam & in usum redigendam occupantur. De eâ
etsi sublimiori sententiam ferre non dubitat
audax Iapethi genus, cœcutiensque quasi. neces-
sario, quam venerari deberet & credere, aspernari mavult

2

& negare. Vulgi dicteria & calumnias rideat Medicus aut doleat. Probet semetipsum in operando. Votum assequetur semper, si Medici sit ægro perspecta probitas, si Medico sit ægri nota docilitas.

I I.

MEDICAMENTIS numero duobus præcipuè continetur Ars Medica, venæ sectione scilicet & catharsi. Quæ alia detecta sunt, horumce effectus vel augent, vel sustinent. Quæ specifica, nil solitaria salubriter præstant; Sæpissimè fiunt necessaria, aut ex perverso, aut ex vehementiori, demùm ex tardiori priorum Remediorum usu. Omnium præcellentior venæ sectio; Non qualibet venæ secanda; Deligenda sunt ex viscerum conditione: Habenda etiam ratio est diversorum Morbi temporum, variarum anni tempestatum, ætatum, corporis habitûs, atque potissimùm sexûs.

I I I.

FOEMINA, ubi adolevit sive Virgo, sive nupta; peculiari donari debet evacuatione quæ per statutum vitæ suæ tempus, singulis mensibus prodiens, fluxus vocatur menstruus. In puellis expectatur, in ætate constantibus modò moratur, modò plus æquo diffluit, in vetulis citiùs aut ferriùs evanescit. Si mulier puerpera factum non nutriat, alteram patitur evacuationem, lochiorum nomine distinctam. Ambo isti fluxus inferiora affectant loca, bonæ vel malæ valetudinis plerumque judicantur causæ. Quocunque morbo corripiantur Fœminæ, si menses aut lochia defecerint, accusatur defectus; si contigerint, ab ipsis speratur sanitas. Urget in hisce casibus aliquandò venæ sectionis necessitas: Ex quânam parte eliciendus sit cruor, dubitare postulat sapientia, vetat præjudicium. Brachialis sectionem optimè conscius suadet Medicus, ne menses aut lochia sistant timent omnes. Sistente-ne reverà, servanda-ne sunt semper aut excitanda in Morbis, nemo vult ambigere; Naturam quò vergit ducendam crepant, Saphœnæ sectionem appetunt avidè, sed quò Natura fluit in sanitate, rarò vergit in statu morbofo.

GR A V E S quidem acuti Morbi, in Fœminis iudicatu difficilioreſ quàm in Viris. Huiusce difficultatis cauſa ſuperueniens fluxus menſtruus, aut idem de repente ceſſans, hoc quotidie videre eſt in Anginâ, Pleuritide, Peripneumoniâ, Hæmoptoe, Variolis, faciei Eryſpelate, Febribus malignis. Anceps tunc indicatio. Conſiderare oportet cuiuſnam momenti ſit in morbo iſta evacuatio, ubi præſens aut recenter abſens, novum eſt plerumquè morbi ſymptoma; ubi jamdudum ſuppreſſa, vel ſola gignit morbum, vel cum primariâ morbi cauſâ jungitur. Spectare præterea debet Medicus partem laborantem, ipſius locum, connexionem, viciniam. Exploranda etiam ſunt Abdominis viſcera, an mollia, an elevata, an renitentia, an ventris compreſſa capacitas. Animadvertendum denique iſtius evacuationis tempus; Videbit Medicus hanc ſolitò emergere vigoris tempore, ſymptomata morbi ex eâ recrudeſcere. Fluxus qui aliquandò naturæ liberæ ſignum eſt, erit ſæpè ſæpius certum ejuſdem impeditæ, coactæ, aut humorum ſaburrâ gravatæ indicium. In acutis affectibus adeſt ſanguinis orgaſmus ex impeditâ tranſpiratione, vaſorum lymphaticorum criſpaturâ, liquidifque ideò confuſis ortus: Sanguis iſte partim organa replens, aut extrâ tonum diſtendit, aut intimâ afficit Phlogoſi, partim factus acer & exlex, videtis naturæ moliminibus ſibi dat exitum, uterî utpotè pronioris rumpens repagula. Caveat Medicus ne decipiatur; Hæc conſpicua ciuoris pars minus vaſtat quàm altera quæ latens fuerit in viſceribus. In acutis evacuationes ſanguinis rarò critica ſunt. Vel ipſamet è naribus hæmorrhagia non ſemper critica. Quos negligere, ſinere, ſedare ſæpè expedit humorum impetus, hos amulari rarò debet Medicus.

Vulgò ſed falſò creditur morbi fomitem minui ſanguine ex quâlibet parte miſſo. Mulier à partu diris laceſſita convuſſionibus, ter intrâ duodecim horas è pede ſecta fuit, remanebat lethargus, quo vix die elapſo ſervata fuit ſolâ jugularis aperturâ. Hic vomit ſanguinem ex vitio Pulmonis, ille ex motu epileptico; huic venæ ſectio è pede, illi è brachio, ſecus in utroque augetur vòmitus. Non cuiilibet nota Saphœnæ opportunitas. Conſulendus unicè Medicus non-

4

nullius ægri diligens observator. Fœlix aut infaustus, indifferens nunquam Saphœnæ sectionis usus. Quondam seriùs, hodiè celerius adhibetur. Semel olim sub fine morbi perditis ægri viribus frustra tentabatur, nunc ineunte morbo, vegeto ægrotante, pluries repetita, intercalatis emendata Emeticis, funestè aut operosè tentatur. Mors aut infirmitas in utrâque methodo, finis idem diversi laboris. Medium tenet qui verè Medicus est: Hic nulli addictus systemati, corporis Mechanicam oculis & scalpello non adeò subtili cognoscens, singularem venarum potiùs quàm arteriarum structuram miratur. Cerebri sinus, Jugularium anfractus, Cordis auriculas, Venæ Portæ divaricationes, Retis Epiploici quasi diverticula perpendit. Observat proinde cruorem per organa, nec pari, nec proportionatâ quantitate progredi, nec æquali robore pelli. Cerebrum, Pectus & Abdomen uno tenore depleri non judicat. Futuras sanguinis aut aliorum fluidorum stases ex præcipiti nimis aut malè prælatâ istâ venæ sectione reformidat. Primo curationis die æstimare satagit quantum sanguinis educendi; Hoc prævidet ex habitu ægrotantis, ex pulsû, ex affectûs specie. Inchoat è brachio, ferè nunquam è pede, nisi instante Apoplexiâ, aut nascentibus hystericiis morbis. Ubi Saphœnæ sectionem usurpavit, ad brachii venas redire non pudet; Sic ægrum integrum, sine tædio convalescentem, nullisque diuturnis affectibus obnoxium dimittit. In chronicis morbis rarò celebranda Saphœnæ sectio, rariùs in Fœminis quàm in Viris; Hæc ubi citior, hysteri-
corum affectuum mater; ubi crebrior, eorundem nutritrix; Vix unquam Virgo è pede secanda est nisi priùs passâ fuerit menses.

Ergo Fœminarum morbis rara Saphœnæ sectio.

DOMINI DOCTORES DISPUTATURI.

<i>M. Raymundus de la Riviere.</i>	<i>M. Franciscus Bailly.</i>	<i>M. Petrus-Joannes Buvet; , Profes. Regius, & è Regiâ Numismatum Academia.</i>
<i>M. Franciscus-Josephus Hunauld, Regiæ Scientiarum Academia, & in Horto Regio Anatomia Professor.</i>	<i>M. Andreas de Laleu, Phar- maciæ Professor.</i>	<i>M. Petrus Marais,</i>
<i>M. Claudius-Anton. Renard.</i>	<i>M. Petrus-Antonius Lepy.</i>	<i>M. Franciscus Gouel. .</i>

Proponebat Parisiis **ACHILLES-FRANCISCUS FONTAINE,**
Claromontanus in Bellovaco, Baccalaureus Medicus,
A. R. S. H. 1731. à sextâ ad meridiem.